



EISTEDDFOD - Gŵyl Gymru Gogledd America 2023 - Lincoln, NE
Cystadleuaeth: LLEFARU CYMRAEG (Welsh Language Recitation)

*Y Pethau Bychain – gan Eurig Salisbury**

Mae'n dywydd gwamal, Dewi,
Mae'r byd yn araf boethi,
I ble'r af innau rhag y glaw
Pan ddaw hi'n amser boddi?

*Ni wn a fydd yfory
Ai glaw ai hindda'n twnnu,
Ond does dim drwg mewn llenwi myrdd
O fagiau gwyrdd ailgylchu.*

Mae'r iaith yn marw, Dewi,
Be' wna' i rhag ei threngi?
Er pob rhyw ddeddf neu ddadl, wir,
Fe gollodd dir eleni.

*Mesurau iaith y gwleidydd
Heb sgwrs a chlonc a dderfydd,
Rhaid ei harfer i'w hadfer hi,
Siarada di hi beunydd.*

Ond Dewi, mae mor dywyll
Ym myd y gwalch a'r cudyll,
Pa iws rhoi coel ar obaith 'to
Tra bo rhyfeloedd erchyll?

*Er dued y gorwelion
Mae haul ar eu hymylon,
Does dim i'w ennill o din-droi
A chnoi ar wae'n ddigalon.*

*Tra'r tyle, tra'r golomen,
Tra'r genedl a'r genhinen,
Cedwch yn daer o ddydd i ddydd
Eich ffydd, a byddwch lawen.*

* - Composed for a St. David's Day broadcast of "Dechrau Canu Dechrau Canmol" on S4C, Feb. 26, 2017.

Note: This copy is only to be used in conjunction with the 2023 NAFOW Eisteddfod.